



LABANAN KEN PAAYEN TI OPLAN BANTAY LAYA II

**Praymer nga insagana
ti Kawanihan iti Impormasyon
ti Partido Komunista ti Pilipinas
Hulyo 2007**

Introduksyon

Inwayat ti pasista a rehimen nga Arroyo idi rugi ti 2007 ti baro nga Internal Security Operations Plan (wenna National Internal Security Plan) a naawagan nga Oplan Bantay Laya 2 (OBL2). Narungrongsot a kasilpo daytoy ti napaay nga Oplan Bantay Laya 1 ti 2001-2006.

Uray no ab-ababa ti kabayang na (tallo a tawen), nangatngato ti arapaap ti OBL 2. Panggep ti OBL 2 a mapanggeddeng a pilayen ti Baro a Buyot ti Umili sakbay nga aggibus ti 2010 ken iti kasta ket gun-oden ti estratehiko a balligi kano laban iti armado a rebolusyonaryo a tignayan.

Pairtengen daytoy ti narugian a todo a panangatake iti ad-adu a larangan a gerilya ti NPA ken pakaroen ti panagiwaras ti terorismo laban iti umili. Nakaturong kangrunaan ti kampanya a pananglipit kadagiti masuspetsa a pwersa ken base a masa ken uray iti hayag a demokratiko a tignayan a pilit a maisilsilpo iti Partido ken armado a rebolusyonaryo a tignayan. Nakaturong daytoy a panangpairteng iti panangdadael ti base a masa ken dagiti organisasyon masa, militarisasyon dagiti baryo ken komunidad manipud kaaw-awayan inggana kadagiti sentrong bayan ken syudad, nalawa a panagusar kadagiti pasista a terorista a wagas ken panagkamakam a mabukel kadagiti baryo, munisipalidad ken probinsya dagiti pasista ken anti-komunista nga organisasyon masa a direkta a kontrolado ti AFP.

Tapno paayen daytoy, binalangkas ti Partido kas sentral a rebbengen ti intero a rebolusyonaryo a tignayan iti taktikal a panawen ti panangpairteng ti pannakigubat a gerilya, ti panag-pabagsak ti aso-aso ken pasista a rehimen ken lallalo pay a panag-palawa ken panagpapigsa iti armado a rebolusyon.

Anyang ti nagbanagan ti Oplan Bantay Laya?

Indeklara idi 2001 ti rehimen nga Arroyo a panggep ti OBL1 ti pananglap-ped iti panaglawa ti

rebolusyonaryo a tignayan iti aw-away ken mapanggeddeng a marebbek daytoy iti 2006. Napaay iti kabuklan ti Oplan Bantay Laya 1.

Idi panawen ti OBL1 ket tinarget ti AFP nga ibukbok ti konsentrado a tropa iti 300 inggana 600 baryo iti intero a pagilian iti aniaman a naikeddeng a panawen. Ngem gapu iti kinakurang na ti pwera, saan na a nabaelan nga agkonsentra ti pwera iti nasurok 300 baryo.

Manipud 2001, saan a nakissayan ti bilang dagiti larangan a gerilya iti intero a pagilian wenno ti kabuklan a bilang dagiti Nalabaga a mannakigubat ti NPA iti sango ti nasaknap a panagusar ti taktika ti terorista a kinaranggas ken pammutbuteng.

Uray no nakaited kadagiti dangran ken temporaryo a dislokasyon, dagitoy nga operasyon ti AFP iti nagbayag ket lallalo laeng a mangilawlawag iti pakasapulan ti armado a rebolusyon ken mangpapairut ti panagkaykaysa ti umili ken NPA.

Idi 2005, iti sango ti kumarkaro a pananglipit ti rehimen nga Arroyo, pinairteng ti NPA dagiti taktikal nga opensiba iti intero a pagilian a nangipakita a langsung dagiti deklarasyon ti balligi ti AFP. Iti mismo a panagtasa dagiti opisyal militar ken pagnseguridad ti rehimen idi Septiembre 2006, natudo a saan a nagballigi ti OBL1, maisupadi iti naynay a parparuaren da iti masmidya.

Iti panaggibus daytoy, nangbukel ti rehimen ti mas ambisyoso ken mas narungsot nga OBL 2.

Anyang ti Oplan Bantay Laya 2?

Iti sango ti pannakapaay ti OBL 1, binalangkas ti rehimen nga Arroyo ti OBL 2 nga addaan mas nangato wenno ambisyoso a pnapgep ken mas narungsot a wagas. Iti Oplan Bantay Laya 2, mas pinaababa pay ti target a dedlayn ti panangdadael iti armado a rebolusyon.

Gapu iti desperado a panagkamakam para iti napardas a resulta, awan ti sabali a pagbanagan daytoy no di ti lallalo a panangpakaro ti pasista a terorismo ken militarisasyon.

Partikular a target ti OBL 2 a mapanggeddeng a mapilay no di man estratehiko a maparmek ti rebolusyonaryo a tignayan no dumteng ti 2010. Panggep na a makissasyon iti uray kagudua ti agdama a pigsang ti NPA nga ipagarup ti AFP nga addaan laeng ti 7,000 mannakigubat.

Iti kabuklan, awan ti Inagdumaan dagiti OBL kadagiti plano a kontra-insurhensya

Anyang ti linaon ti Oplan Bantay Laya 1 ken 2?

dagiti napalabas a rehimen. Segun mismo iti AFP, ti Oplan Bantay Laya ket maysa a niretoke laeng a bersyon ti Oplan Lambat Bitag a naipatungpal manipud 1988 inggana 1998. Kamali nga ipagarup ti AFP a nagballigi ti Lambat Bitag iti panagkapsut ti rebolusyonaryo a tignayan idi naudi a tawtawen ti dekada 1990.

Awan ti baro iti OBL no di dagiti baro nga awag kadagiti daan ken inutil nga estratehiya. Adda dita ti “Win-Hold-Win” nga awan sabali no di ti daan nga awag a Clear-Hold-Consolidate-Develop. Bukbuklen daytoy ti tallo a tukad:

> ti umuna (“win” ken “clear”) ket agpanggep nga iyabog dagiti pwersa ti NPA ken dadaelen dagiti rebolusyonaryo nga organisasyon;

> ti maikadua (wenno ti “Hold”) ket addaan panggep a konsolidaen ti posisyon ti militar babaen ti panangibangon kadagiti detatsment, panagrekluta kadagiti aset a paniktik, panangbukel kadagiti Barrio Intelligence Network (BIN), ken panangbukel

kadagiti CAFGU, Civilian Volunteer Organization (CVO) ken adu pay a yunit a paramilitar wenno grupo a vigilante.

> Ti maikatlo (“Win” wenno “Consolidate and Develop”) ket addaan panggep nga usaren dagiti lokal a gubyerno ken dagiti NGO ken mangipastrek kadagiti mangallilaw a proyekto. Ti Strategic Holistic Approach (SHA) ket di adayo kadagiti panggep ken wagas ti “total war” ken iti estratehiya ti agtultuloy nga operasyon a naglaon ti dati a wagas ti Oplan Lambat Bitag. Linisan ken iggeman ti militar dagiti prayoridad a target a baryo babaen ti panangiyawat ti maaw-awagan itatta a Triad Operations wenno dagiti operasyon a kas ti dati nga agkukombina ti kombat, paniniktik ken dagiti operasyon a sibilyan-militar.

Maus-usar ti RSOT (Reengineered Special Operations Team). Daytoy ti dati a naawagan a SOT (Special Operations Team). Daytoy ket addaan kadakkel seksyon wenno platun a pwera militar a direkta a sumsumrek iti target a komunidad ken agiyararamid kano kadagiti operasyon a sibilyan-militar tapno alukoyen ti simpatya ti umili kagiddan ti panangiyaramid ti saywar, panangallilaw ken paniktik kadagiti tagabaryo.

Naikkaten iti RSOT ti oryentasyon a panangala iti “puso ken panunot” agturong iti lallalo pay a panangitalmeg kangrunaan iti gawaing intelidyens (panangammo iti populasyon ken panangibangon ti iket-paniktik a direkta nga addaan pakaibiangan iti kombat), saywar ken panangallilaw iti umili. Ti RSOT, nga isu't kangrunaan a yunit a pangsaywar ti militar, a direkta a sumangsango kadagiti tao iti target a komunidad, ket adda iti panangiderihe ti ispesyal a yunit ti Civilian Military Operations (CMO) a mabukel iti amin a dibisyon ken brigada.

Anyang ti baro iti OBL 2?

Inkeddeng ti AFP ti panangiyawat ti lima nga “opensiba” ken tallo a programa iti balangkas ti OBL2. Iplano daytoy dagiti “opensiba” iti tay-ak ti militar, ligal, pulitika, ekonomya ken propaganda. Ti panangiyawat kadagitoy nga “opensiba” dagiti kangrunaan nga

aktibidad dagiti RSOT iti uneg ti OBL2.

Malaksid kadagitoy, adda maysa a kumpanya inggana maysa wenno nasurok iti maysa a batalyon a pwersa a pangkombat nga aglemlemmeng, agpusposisyon ken agpatpatrulya iti igid ti baryo tapno “linisin” ti aglawlaw, agserbi a seguridad dagiti pwersa da a sumsumrek iti baryo ken agiwayat kadagiti atake no adda maitud a presensya ti NPA.

Agiwarwaras met ti kabusor ti dadduma pay a pwersa a paniktik ken aset iti uneg ken aglawlaw ti baryo.

1. Operasyon a kombat kontra-NPA

Iti panggep a magun-od ti napardas ken dramatiko a resulta, pinadakkel ti AFP dagiti pwersa na kadagiti prayoridad a larangan a gerilya ken target a makapagrekut ti nayon a 6,000 soldado. Tunggal *area command* ket mangikedkeddeng ti kangrunaan ken segundaryo a prayoridad a target iti bukod da a saklaw.

Ti Philippine National Police ket intipon met ti rehimen nga Arroyo kadagiti pwersa nga maipakpakat iti OBL 2 ken iti kabuklan ti kampanya a “kontra-insurhensya” daytoy. Italtalmeg ken ipilpilit ti nangatngato a kumand ti AFP dagiti “operasyon nga awan ressat” tapno “agtultuloy a kamaten ken lipiten” dagiti yunit gerilya ti NPA.

Paspasaknapen daytoy dagiti operasyon a *hunter-killer*—kumbinasyon ti babassit a *hunter team* a sikreto nga agsipsiput ken, manipud met iti uneg ti pareho a lokal a kumand, ti dakdakkel a *killer unit* nga aglemlemmeng. Rumrumuar laeng ken mangpukpok daytoy no adda naitudo a target a yunit ti NPA.

Malaksid kadagiti lokal a yunit ti AFP, mapalaok met kadagiti operasyon dagiti nagaraw a yunit kas ti Long Range Patrol (LRP) a sikreto met a sumsumrek ken napaut nga agpatpatrulya iti uneg dagiti sona ken base a gerilya.

Kadagitoy a gundaway, sipaparang nga agpatpatrulya dagiti lokal a regular nga yunit ken dagiti CAFGU tapno iyabog dagiti yunit gerilya ti NPA ken mabira dagiti nakalemMeng a yunit ti LRP. Malaksid iti kadawyan a panagsanggir iti dadakkel a *killer unit*, agus-usar met ti kabusor kadagiti relatibo a bassit ngem

ispesyal a pwera (kas ti Scout Rangers ti Army ken Force Recon ti Marines) a sikreto nga agmonmonitor ken isuda met ti agiwaywayat ti atake no adda naitudo a target.

Direkta nga idadauloan dagiti kumand iti tukad brigada ken dibisyon dagitoy nga operasyon. Dagiti konsentrado nga operasyon kadagiti prayoridad a target ket maiplano ken tengngel dagiti brigada ken dibisyon.

Maus-usar ti pasista a terorismo laban iti kadawyan nga umili a masuspetsa a sumupsuporta wenno agsimsimpatya iti NPA. Target dagiti operasyon a pammapatay ken pananglipit dagiti organisasyon masa nga aktibo nga agdepedensa kadagiti karbengan ken pagimbagan ti masa a magunggundawayan ken madaadadanes.

Dagiti pasista a berdugo ti estado ket pagrairaen da ti nakaro a buteng kadagiti mannalon iti desperasyon a pilitin dagiti tao a tallikudan ti rebolusyonaryo a tignayan. Dagiti matitiliw a kadre ken mannagigubat ti NPA ket matrato a kasla ayup. Saan da nga aminen dagiti panagtiliw ken panagpatay tapno saan da a sangoen dagiti obligasyon da iti uneg dagiti agraraira a linteg ken katulagan.

2. Operasyon a paniktik

Taltalmegan ti OBL 2 ti pakasapulan nga agpakalaing iti paniktik. Agturong ditoy, nangilatang ti nayon a pondo a P1 bilyon ti rehimen idi 2006. It-ited daytoy ti P400 milyon iti AFP, P300 milyon iti PNP ken P400 milyon kadagiti ispesyal nga ahensya a paniktik.

Panggep ken prayoridad ti panagtiktik a pilayen ti liderato, dagiti kangrunaan a yunit gerilya ken nadumaduma a sentro de grabidad ti rebolusyonaryo a tignayan; ikahon tapno mabira, matiliw ken mapatay dagiti suspetsa a kadre ken myembro ti Partido/NPA ken dagiti lider ken aktibista dagiti ligal a demokratiko nga organisasyon.

Napairut ti koordinasyon ken tinnulong dagiti yunit paniktik. Nanayonan da ti pondo ken nasuplayan ti moderno a ramramit iti komunikasyon ken elektroniko a surbeylans.

3. “Base denial” wenko panangipaidam ti base

Panggep ti AFP iti OBL 2 a dadaelen ti suspetsa da nga organisasyon ken base a masa nga imbangon ti NPA iti aw-away. Ipauneg daytoy iti kontrol ti AFP dagiti baryo ken komunidad iti kaaw-awayan inggana kadagiti sentrong bayan ken syudad, usar dagiti pasista a terorista a wagas.

Kabuklan a panggep daytoy a rebbeken dagiti organo a pulitiko-militar kadagiti barangay tapno paidaman ti masa a suporta ti armado a rebolusyonaryo a tignayan, kasta met dagiti hayag nga organisasyon ti demokratiko a tignayan ken dagiti progresibo a partido. Mangiyar-aramid dagiti yunit ti AFP ti sensus kadagiti baryo tapno mabukel ti listaan dagiti suspetsa da a sumupsuporta iti rebolusyonaryo a tignayan. Dagiti suspetsa da ket “mabisita,” mainteroga ken mapresyur.

Agkamkampanya da met ti panangpasuko kadagiti myembro ti NPA ken no awan ket sapulen da dagiti tukoy wenko suspetsa da a dati a myembro wenko dagiti sibilyan a parparuaren da a myembro ti NPA a “napasuko.” Maipauneg dagitoy kadagiti programa para iti Demobilization, Disarmament and Reintegration (DDR) ken Redefined Amnesty Program for Rebel Returnees. Kamkamakamen met ti AFP a mangbukel kadagiti pasista ken anti-komunista nga organisasyon masa a direkta a kontrolado ti AFP.

4. Panangbukel ti Integrated Territorial Defense System (ITDS)

Konkonsolidaen ken pagarawen ti kabusor babaen ti ITDS ti lokal a pwersa ti pulisya, lokal a gubyrno, CAGU ken dadduma pay a pwersa a paramilitar ken uray dagiti sibilyan nga addaan armas tapno “depensaan” ti teritoryo ken tumulong kadagiti “opensiba” ti AFP. Tutukan daytoy ti ispesyal a yunit a CMO dagiti dibisyon ken brigada. Nabukel met dagiti CMO Task Group iti saklaw dagiti brigada a pakaibilangan dagiti mangibagi ti PNP ken LGU tapno idauloan ken ikoordina dagiti kampanya a CMO. Mangiwaywayat daytoy kadagiti programa a mangkopya kadagiti serbisyo ti gubyrno ken aktibidad dagiti repormista nga

NGO ngem adda naigagara a panggep a papigsaen ti posisyon ken bileg ti militar iti komunidad.

Uray no kasta, mabaddekan ti militar dagiti lokal nga opisyal ti gubyrno. Malipit ti garaw dagiti NGO ken dadduma pay a grupo a panggimong ken mapilpilit da a makitinnulong iti AFP tapno saan a maawagan nga “organisasyon a terorista” wenno “prente nga organisasyon.”

Dagiti saan a nalaka a mapasurot iti aniaman a kayat ti militar ket mapangtaan oras a kwestyonen da dagiti aksyon ti militar. Dandani nakapaunegen iti turay militar ti sibilyan nga awtoridad. Iti panggep a maawis ti umili kadagiti target a komunidad, agiwayawayat met kadagiti CMO ti nadumaduma a pakitang-tao a proyekto iti uneg ti Army Concern on Community Organizing for Development (ACCORD) ken Community Assistance and Rural Empowerment through Social Services (CARES).

Padpadasen ti AFP a kaluban ti narungsot a rupa na babaen ti panangkunyari nga agar-aramid daytoy kadagiti civic action, proyekto a pangprogreso ken adu pay a proyekto kadagiti komunidad. Amin dagitoy ket maus-usar iti paniktik, panangallilaw ken panangtengngel kadagiti tao. Uray no kasta, gapu ta arkos-dila laeng, saan da met laeng a masustine dagitoy.

5. Opensiba a ligal ken operasyon a saywar

Ti panangpairteng ti saywar ken panangallilaw ti kabusor ket paset ti OBL 2. Pampulitika ken pampropaganda a kasilpo daytoy ti todo-larga a gubat da ken awan ressat a kampanya ti pammapatay ken pananglipit. Naanep ti kabusor iti kampanya a saywar ken panangallilaw. Maysa a taktika iti propaganda ti panangipabasol iti PKP-NPA kadagiti krimen nga aramid ti AFP.

Awan sarday iti panangipabasol nga adda silpo dagiti ligal nga organisasyon iti armado a tignayan tapno ikalintegan ti nakarkaro pay a panangpairteng ti pananglipit kadagiti progresibo a pwersa ken dadduma pay a lumablabaen iti agturturay a rehimen.

Amin nga ahensya ti reaksyonaryo a gubyrno ken yunit ti militar ket mapagpagaraw para iti opensiba a ligal ken saywar la-

ban pareho iti rebolusyonaryo a tignayan ken iti naparang a tignayan masa. Binukel ti rehimen nga Arroyo ti IALAG (Inter-Agency Legal Action Group) iti panangidaulo ti nangangato nga opisyal ti Malacañang tapno direkta nga iwanwan daytoy a trabaho. Ti IALAG ti nakatutok iti panangimbento kadagiti istorya ken kaso para iti “psywar offensive” ken “legal offensive” laban iti rebolusyonaryo a tignayan ken ligal a demokratiko a tignayan.

Segun iti OBL 2, inatasan met ti amin a kumpanya ti AFP nga igiddan kadagiti kampanya a militar dagiti kampanya a saywar. Nangbukel met ti AFP ti Public Information Platoon inggana tukad brigada, kakuyog dagiti yunit ti CMO tapno tumutok iti panangiyaramid ti kampanya a saywar ken panangperdi laban iti NPA ken dagiti rebolusyonaryo a pwera ken nairut a makinaig iti masmidya iti saklaw da.

Dagitoy a yunit ket di mauma iti panangimbento dagiti sarsarita ken kaso tapno perdien ken rugitan ti rebolusyonaryo a tignayan, kas ti “internal a purga” kano iti rebolusyonaryo a tignayan a kunada ket adda iti likud dagiti pampulitika a pampapatay, panagrekrut ti NPA ti “child soldiers” wenno ubbing a soldado, pannakairaman ti NPA iti produksyon ti ilegal a droga ken adu pay.

Ipilpilit da a pasaknapen iti masmidya ken iyuli kadagiti korte dagiti kaso nga awanan pagbasaran na, killo-killo a datos ken panagrasrason, ken saan a pumasa iti naanep ken pudno nga imbestigasyon. Agserserbi met a ligal a basbas iti OBL 2 ti maawawagan nga Human Security Act wenno Anti-Terror Law.

Babaen ti HSA, maikkan ti ligal a basbas dagiti ilegal nga aramid ti militar ken pulis. Lallalo na nga iduron dagiti armado a pwera ti estado a pairtengen dagiti atake kadagiti organisasyon ken pwera nga ibilbilang na a "terorista" iti uneg ti HSA.

6. Opensiba iti ekonomya

Maysa pay a batayan a ramen ti OBL 2 ti “opensiba iti ekonomya” a nakaturong kadagiti panangpadas nga ipaidam ti pangalalaan ti pondo ti rebolusyonaryo a tignayan. Pilit na a laplappedan ti nadumaduma a wagas ti panagkalap ti tignayan ti

buwis, kontribusyon ken dadduma pay a materyal a suporta.

Maus-usar ti pammutbuteng iti nadumaduma nga entidad tapno lappedan da nga agkontribusyon dagitoy iti armado a rebolusyon. Matalmegan met ti propaganda ken panangperdi laban iti rebolusyonaryo a tignayan nga addaan silpo iti ekonomya ken pinansya. Iwarwaras da ti intriga laban iti korapsyon kano ken panagnam-ay dagiti dadaulo ti Partido.

Itamtambor da met ti linya iti propaganda na a ti armado a rebolusyon ket agserserbi a lapped iti panagdur-as ti ekonomya ken iti kasta ket rason ti agtultuloy a kinapanglaw ti umili. Kagiddan daytoy, ipatpatungpal ti rehimen ti kararanggasan a patakaran a maka-imperyalista ken agserserbi iti interes dagiti agturturay a dasig ken bulok a rehimen.

Tulbek a paset ti Oplan Bantay Laya 2 ti kampanya ti pampulitika a pammapatay ken panagdukot kadagiti aktibis-

ta, dagiti militante a mangmangged, mannalon, tao ti simbahan, abogado, estudyante ken adu pay a pwersa ken personalidad dagiti ligal a progresibo ken demokratiko nga organisasyon, alyansa ken partido.

Iti mata ti AFP, ti kastoy a kampanya ti ekstrahudisyal a pammapatay ken panagkidnap ket paset ti panagpadas a dadaelen ti makunkuna a pampulitika nga imprastruktura ti rebolusyonaryo a tignayan.

Adda iti direksyon ken superbisyon ti Cabinet Oversight Committee on Internal Security (COCIS) daytoy a kampanya. Adda ispesyal a pondo ti Malacañang nga iwanwanwan ken iruruar ti COCIS para kadagiti operasyo a pammapatay ken panagdukot. Ti GHQ-AFP ti direkta met a daldalanan ti pondo.

Anya ti partikular a talmeg ti OBL 2 laban iti ligal a demokratiko a tignayan?

Batay iti listaan dagiti target nga inaramid dagiti opisyal-paniktik dagiti batalyon (Bn-S2), pilpilien ti kumander ti batalyon ti target ken maisumite ti project proposal tapno mapondoan. Makita iti nadumaduma nga internal ken pampubliko a dokumento ti AFP dagiti kastoy a plano. Pinakatampok ditoy ti maysa a dokumento a napauloan ti “Knowing the Enemy” (Panangammo iti kabusor) a naiwaras iti intar dagiti soldado idi 2005. Ditoy ket ninaganan ti AFP kas “kakuyog” ti PKP dagiti progresibo ken demokratiko nga organisasyon kas ti BAYAN ken Bayan Muna.

Intudo a rebbengen ti AFP a nyutralisaen dagiti agdan-agdan a ligal nga alyansa a mangparpartuat kano ti “kondisyon ti rebolusyon.” Italtalmeg daytoy ti ideya a tapno maparmek ti NPA, kasapulan a rebbeken ti gungun-oden daytoy a suporta a masa. Nasapsapa pay, idi 2004, inruar ti AFP ti dua nga internal a dokumento: ti “Target Research on Sectoral Organizations” ken ti “Institutionalizing the Conduct of Target Research as a Major Component in the Intelligence Project Preparation, in Particular, and Intelligence Cycle Process, in General.” Ibagbaga ti dua a dokumento a target ti paniktik ti militar ken pulisya dagiti ligal a demokratiko nga organisasyon masa ken progresibo nga organisasyon a party-list.

Partikular iti tay-ak ti paniktik, taltalmegan ti AFP ti panagurnong ti datos maipapan kadagiti target a personalidad, aglalo dagiti lider dagiti organisasyon masa ken dagiti alyansa. Kalpasan a makaurnong ti datos ket maipasa daytoy kadagiti yunit taktikal ken pangkombat a mangbalangkas kadagiti order of battle (wenno listaan dagiti target a biraen). Sistema a kota met ti ipatpatungpal ti ISAFP kadagiti idaduloan na a Military Intelligence Group iti likidasyon dagiti target a personalidad.

Pilit a pumpunasen ti AFP ti pagdumaan dagiti armado a kalaban na kadagiti sibilyan ken aktibista. Maipasasaknap kadagiti soldado dagiti lektura ni Fr. Romeo Intengan, napeklan nga anti-komunista, a mangitantandudo iti pananaw a dagiti aktibista ken ddagiti sibilyan a lumablabaen iti gubyrerno ket rumbeng nga ibilang nga “armado a kalaban” ti AFP.

Anyang ti papel ti imperyalismo nga US iti Oplan Bantay Laya?

Manipud pay idi napalabas, dagiti plano a “kontra-insurhensya” ti aso nga estado iti Pilipinas ket nakabatay ken sumursurot kadagiti estratehiya a militar ti imperyalismo nga

US. Ti agpayso, direkta a mairaman dagiti “adviser” ti US iti panagdisenyo ken panangipatungpal ditoy. Babaen ti Joint US Military Advisory Group (JUSMAG), direkta a bagbagaan ti US ti AFP kadagiti operasyon na.

Iwanwan met ti JUSMAG ti panagusar ti AFP kadagiti ramramit militar nga inted ti US. Ti rehimen ni US President George W. Bush ti nagdisenyo, mangtartarabay ken mangpompondo iti Oplan Bantay Laya 2. Panggep na a pameken ti rebolusyonaryo a tignayan nga ibilbilang na a kangrunaan a pwersa iti pagilian a lumablabaen iti agtultuloy a panagkontrol ken panaggamrud daytoy, ti aso-aso na a rehimen ken adu pay a kaalyado na. Babaen ti OBL, maparpartuat ti kondisyon tapno ingato ti tukad ti panakibiayang ti US iti pagilian.

Ti kontrol iti militar ti kangrunaan a pagsanggiran ti hegemonya ti US iti Pilipinas. Agtultuloy nga im-impluwensyaan ken konkontrolen ti US ti reaksyonaryo nga armado a pwersa ken pulisya babaen ti indoktrinasyon, dagiti plano nga estratehiko, ispesyal a panagsanay dagiti opisyal ken dagiti nagtipon a panagsanay-militar, ken panangited ti pondo, ramramit ken suplay.

Manipud idi 9/11, lallalo a limmawa ti pannakibiayang-militar ti US iti Pilipinas iti panagkunyari a “maikadua a tay-ak” kano daytoy ti sangalubongan a gerra laban iti terorismo. Us-usaren daytoy ti panangkamat iti Abu Sayyaf, maysa a bandido a grupo nga aramid ti CIA tapno pangkontra idi umuna iti Moro National Liberation Front ken itia ket parparuaren da nga addaan silpo iti Al Qaeda.

Agtultuloy a padpadakkelen ti US ti bilang ti tropa na ken ideploy daytoy iti nadumaduma a suli ti Pilipinas, aglalo kadagi-

ti lugar nga asideg wenno adda iti uneg dagiti larangan a gerilya ti NPA. Makitinnulong dagiti tropa ti US kadagiti aso-aso a tropa ti Pilipinas saan laeng kadagiti panagsanay-militar ngem uray pay iti panagtiktik ken surbeylans, panangiggem kadagiti outpost ken patrolya, ken pannakikuyog kadagiti aso-aso a tropa kadagiti operasyon a kombat.

Manipud idi 2001, dimmakel iti 1,600% ti aktwal nga ayuda militar nga it-ited ti US iti aso-aso a guberno. Iti papel, \$11 milyon ti nailatang iti Pilipinas, ngem iti aktwal ket dumanon daytoy iti \$30 milyon manipud idi 2005-2006.

Ti Pilipinas ti umaw-awat ti kadakkelan nga ayuda militar ti US iti intero nga East Asia-Pacific Region. Iti intero nga Asia, ti Pilipinas met ti kangrunaan nga umaw-awat kadagiti surplus a ramramit militar manipud iti US. Ken iti intero a lubong, maikatlo ti Pilipinas iti umaw-awat ti kadakkelan a nayon a pondo manipud iti US para kadagiti panagadal ken panagsanay-militar (nakaawat daytoy ti nasurok \$150 milyon para ditoy idi 2006).

Sigurado a mapaaay ti Oplan Bantay Laya 2 kas iti amin nga immuna nga Oplan ti reaksyo-

Apay a mapaaay ti Oplan Bantay Laya 2?

naryo nga aso-aso nga estado. Iti uneg ti lima a tawen, napaay ti OBL 1 a buraken ti uray maysa a rehiyon. Sigurado a nakarkaro pay ti pagbanagan ti OBL 2.

Mapaay ti OBL 2 kangrunaan gapu ta maysa daytoy a di nainkalintegan, kontra-umili, brutal ken makaperdi a gerra. Mapaay daytoy gapu ta saan a suportaan ti umili a Pilipino daytoy. Ti OBL 2 ket maysa a gubat a mangdepdependensa iti agturturay a sistema a mangidadanes ken manggungundayay iti umili.

Mapaay met ti OBL 2 gapu ta napnoan ti krisis ti agturturay a rehimen. Marigatan ti rehimen a gun-oden ti panggep daytoy a lallalo a papigsaen ken paaduen dagiti armado a pwera na gapu iti nakaro a kinakurang ti pondo. Maaramid laeng daytoy ti rehimen nga Arroyo kasukat ti ad-adda a panangpadagsen ti bakkak-

layen a buwis ken panangkissay ti serbisyo a panggimong.

Mapaay ti OBL 2 gapu ta nakaro a nagsina-sina ti AFP. Nakaad-adu dagiti sindikato a kriminal ken pampulitika a pak-syon iti uneg ti AFP. Nayon pay, pumigpigma iti uneg ti AFP itat-ta ti panagsupyat dagiti ordinaryo a soldado iti korapsyon dagiti nangangato nga opisyal. Pumigpigma met ti panagsupyat dagiti ordinaryo a soldado iti maar-aramid a naranggas ken iligal a panagtiliw, panagtortur ken pammapatay.

Saan a maibturan ti umili ti di nainkalintegan, kontra-umili, brutal ken makaperdi nga OBL 2. Nabayagen a lablabanan ti umili daytoy ken ti agpayso ket agresresultan daytoy ti nalawa a lokal ken internasyunal a protesta. Maibilang iti nagpahayag ti pannakadismaya ket ti European Union, UN babaen ti ispesyal a reporter daytoy a ni Philip Alston, Permanent People's Tribunal ken uray dagiti kongresista ken senador ti US. Uray dagiti gub-verno a gayyem ti Pilipinas ket nagpanawagan iti rehimen nga Arroyo a panagutan ken isardeng ti napalalo a pananglabsing iti karbengan-tao.

Anyang dagiti rebbengen tayo iti panaglaban iti Oplan Bantay Laya 2?

Naanep a pairtengen ken pasaknapen ti pannakigubat a gerilya.

Sentral a rebbegen ti intero a rebolusyonaryo a tignayan ditoy a taktikal a panawen ti panangpairteng iti pannakigubat a gerilya, nakaro a panangpakapsut ken panangpabagsak iti aso-aso ken pa-sista a rehimen ken lallalo pay a panangpalawa ken panangpa-pigma iti armado a rebolusyon. Ti panangpairteng ken ad-adda a panangpasaknap ti gubat a gerilya ti kaimportantean a nairut a rebbengen iti panaglaban ken panangpaay iti OBL 2.

Agturong ditoy, rumbeng a buklen ti ad-adu pay a pigsa't kumpanya a larangan a gerilya ken mas adu pay a panglaban a platun ti NPA. Iti tunggal rehiyon, probinsya ken larangan, rum-

beng nga aramiden a mas masansan dagiti taktikal nga opensiba, aglalo kadagiti lugar a dakkell ken napigsa dagiti rebolusyonaryo a pwersa. Nakasanggir ditoy ti lallalo pay a panagpalawa ken panagpapigsa dagiti pwersa a gerilya ken base a masa.

Paaduen, sansanen ken pasaknapen dagiti taktikal nga opensiba tapno maagaw ken mapatalinaed ti NPA ti inisyatiba iti gubat. Iti nadumaduma a tukad ken saklaw, guloen, lappedan ken ikkatan daytoy ti pangil no di man malappedan dagiti panangraut ken plano ti kabusor.

Rumbeng a madisnog tayo ti pasista a kabusor a mas masansan ken nakarkaro ngem iti mabalin na a maitama iti NPA. Rumbeng a siguradoen tayo a nakaro a madangran ti kabusor iti mismo a lugar a konsentraan na ti panangatake ken panangiyaras ti pasista a terorismo.

Rumbeng a maikombina ti adu a disnog iti bagi ken sumagamamano a disnog iti ulo. Ti tunggal maysa a taktikal nga opensiba ti NPA ket opensiba a pampulitika met. Panangipahayag daytoy ti determinasyon ti umili a Pilipino a labanan ti pasista a terorismo ti rehimen nga Arroyo. Kritikal a rekisito met daytoy para iti panangpairteng ti nadumaduma a tipo dagiti dangadang ti umili agturong iti panangpabagsak ti kagurgura nga agturturay a rehimen.

Ad-adda pay a palawaen ken patibkeren dagiti rebolusyonaryo a pwersa, larangan a gerilya ken base a masa

Bayat a pukpukan a makilablaban, rumbeng nga ipasnek ti panagpalawa ken panagpatibker dagiti rebolusyonaryo a pwersa, larangan a gerilya ken base a masa. Nakadakkell ti lugar para iti NPA nga agorganisa ti umili, agrekrut ti nayon a Nalabaga a mannakigubat, mangibangon kadagiti lokal nga organo ti rebolusyonaryo a turay a pampulitika, sungbatan dagiti problema ken kasapulan ti masa ken agiwayat kadagiti taktikal nga opensiba.

Importante nga ikkan ti mas nauneg nga atensyon ti panangiyabante kadagiti kampanya iti ekonomya ken produksyon, edukasyon ken kultura, salun-at ken adu pay a pang-inaldaw a problema ti masa. Esensyal dagitoy—aglalo iti ekonomya ken

produksyon – iti panangmantine ti kaiirutan a panagkaykaysa ken panangidaulo iti masa, panagtalinaed ti nangato a palaban a nakem ken suporta da iti armado a rebolusyon ken panangpaduras ti kabaelan ti NPA nga independente, agabante dagiti taktikal nga opensiba ken agpursige uray iti tengnga ti kaiirtengan a panangkubkob ti kabusor.

Iti sango ti panagbalin a kangrunaan a target ti kabusor dagiti suspetsa a rebolusyonaryo a base a masa ken dagiti hayag a ligal a demokratiko nga organisasyon, rumbeng met nga agaramid kadagiti addang tapno aywanan ti seguridad dagitoy, aglalo dagidiay adda iti peggad a mapapatay, madukot, maikulong, matortyur, matiktikan ken maipauneg iti adu pay a klase ti pasista nga atake ti kabusor.

Rumbeng a pairuten dagiti addang a pangseguridad, kagiddan ti agtultuloy a panagpalawa ken panangpauneg ti rebolusyonaryo a tignayan a limed. Irekrut iti NPA dagiti saan a ligtas ken di epektibo a makatignay a sipaparang, ken addaan kinasagana ken adda iti pamantayan tapno sumampa.

Ti kaligtasan dagiti adda iti uneg dagiti larangan ken sona a gerilya a saan pay a makasampa iti NPA ket mabalin nga aywanan pay ti milisyang bayan, dagiti yunit iti panagdependensa iti bagi ken ti nalawa ken nauneg a base a masa. Rumbeng nga ad-adda a palawaen ken paunegen pay ti rebolusyonaryo a tignayan a limed ken panagramut iti masa kadagiti syudad ken sentrong bayan. Rumbeng nga agisimpa kadagiti limed nga atrasan, no di man kadagiti syudad ken sentrong bayan ken iti nalawa nga aplag dagiti larangan ken sona a gerilya ken suporta a masa iti kaawayan.

Lallalo a pasaknapen ken paregtaen dagiti dangadang nga lanti-imperyalista, anti-pyudal ken anti-pasista ken dangadang tapno isina ken ibagsak ti rehimen nga Arroyo

Rumbeng a lallalo pay a palawaen ken paregtaen dagiti dangadang nga anti-imperyalista, anti-pyudal ken anti-pasista iti nalawa nga intar ti umili, kagiddan ti panangibutaktak iti OBL 2. Paregtaen dagiti dangadang masa, panagpalawa ti nagkaykaysa a

prente ken adu pay a gawaing pampulitika tapno isina ken ibagsak ti rehimen nga US-Arroyo.

Rumbeng nga agpakalaing iti gawaing propaganda, mobilisasyon ken organisasyon iti intar ti nalawa a masa. Rumbeng nga agpasnek iti dangadang tapno naan-anay nga isina ken ibagsak ti aso-aso ken pasista a rehimen nga US-Arroyo.

Rumbeng nga agpursige iti panagpalawa ken panangpapigsa ti pannakikaykaysa ken pannakitulong iti amin ti pwera a progresibo, demokratiko ken managgayyem bayat nga ikonkonsentra ti kapipigsaan a disnog iti aso-aso ken pasista a rehimen nga Arroyo.

Labanan ken paayen ti Oplan Bantay Laya 2!

Pairtengen ti pannakigubat a gerilya!

Ibagsak ti rehimen nga US-Arroyo!

Ad-adda pay nga iyabante ti armado a rebolusyon!